

on leur vint dire que l'un de leurs jeufneurs separé des autres auoit esté surpris & massacré des Hiroquois : Si la crainte qui fait voir à l'imagination ce qui n'est pas, ne troublait point la fantasie de cet homme, sans doute le Diable luy estoit apparu, quoy qu'il n'estoit point Sorcier.

Je me suis laissé dire par un Sauvage que ils croient que les Genies du Jour ont les yeux de trauers, l'un haut & l'autre bas. Côme j'ay parlé d'eux aux autres Relatiõs, ie n'en dirai point dauantage en ce lieu. Respondons à la question proposée en teste de ce Chapitre, sçauoir, si ces Sorciers ont vraiment communication avec le Diable? Si ce que ie viens de dire est veritable, il ne faut point douter que les Demons ne se manifestent par fois à eux : mais j'ay creu iusques à maintenant qu'en effect le diable les abusoit, remplissant leur entendement d'erreurs, & leur volonté de malice. Mais ie me persuadois qu'il ne se [162] descouuroit point sensiblement, & que tout ce que faisoient leurs Sorciers n'estoit que des Iongeries qu'ils inuentoient, pour en tirer quelque profit. Je commence maintenant à douter, voire à pancher de l'autre costé, pour les raisons suiuanes.

J'ay dit autresfois que voulans consulter les Genies du Jour, ils dreffoient des Tabernacles, fichans des pieux en terre, les lians & arrestans avec un cercle, puis les entourans de robes ou de couuertes: quand le forcier est entré là dedans & qu'il a chanté & inuqué ces Genies ou Demons, le Tabernacle commence à branler: Or ie me figurois que le Sorcier l'esbranloit, mais Makheabichtichiou me parlant à cœur ouvert, & le Sorcier Pigarouich me descourant avec grande sincerité toutes ses malices, m'a protesté que